

Agora pensa en ti. **Que te pon ?**
E, **que lle pon ás persoas coas que te relacionas?**
E **ao resto?**

Pensas que os **gustos no sexo son “algo propio”** e nada teñen que ver co “socialmente aprendido”?

Pois síntocho pero non, *bonito pero incerto*. O que nos xera pracer está estreitamente relacionado co que socialmente se nos di que xera pracer 😏

A boa nova é que podemos cortar a corda e **construír unha cultura afastada da erotización da violencia.**

RESPÓNDETE:
de verdade precisas ver vídeos onde se humilla e agride para excitarte? 🧐

Hai unha sexualidade máis sa, plena e satisfactoria alén da cultura do porno:

a cultura do consentimento. 🌟👍

**Agora,
tócache a ti!**



Concello de Oleiros

PUNTO VIOLETA DO CONCELLO DE OLEIROS

Falamos de...
PORNO?

É unha realidade que, de forma directa ou indirecta, **a nosa educación sexual está influenciada un pouco... bastante polo P-O-R-N-O.**

E co acceso a *golpe de click*, cada vez máis. Tan só hai que prestarlle atención ás estatísticas. 🧐

Os 3 principais portais de porno (Pornhub, XVideos e XNXX) teñen 5.810 millóns de visitas mensuais; unhas **134.491 visitas por minuto.** *(Scottmax, 2024)*

O **62,5%** de adolescentes entre 13 e 17 anos ven porno. *(Save the Children, 2020)*

O **22,4%** dos mozos e o **2,1%** das mozas indican velo diariamente, e o 48,1% e 13,6% respectivamente polo menos 1 vez por semana. *(fad Juventud, 2023)*

A idade media do primeiro acceso son os **13 anos**, aínda que 1 de cada 4 sinala que foi antes dos 12, e o 6,5% aos 8 anos ou antes. Mais, polo xeral, estas visualizacións a idades tan temperás adoitan ser causais ou accidentais. *(fad Juventud, 2023)*

Pero, **por que está tan presente nas nosas vidas?** Vexamos....

1! É moi **FÁCIL ACCEDER...** Ás veces, incluso sen buscalo aparece nas nosas pantallas. Sen restricións de idade, de balde, **SEN LÍMITES.** 🧐

2! ESPERTA CURIOSIDADE.

O sexo interésanos, e moito...

Vaia! Pois resulta que é un tema do que aínda non se fala con normalidade.

De feito, os mozos e as mozas din non ter recibido educación sexual de calidade nin por parte das súas familias (50,1%) nin por parte do seu centro escolar (45,9%), suplindo esta falta de información co porno.

Sorpresa?



(fad Juventud, 2023)





Ademais, **que pasa cando algo é tabú?**

Que **dá morbo**, e o morbo aumenta a curiosidade. Círculo vicioso

Que **alguén vai cubrir un buraco que tanto interese levanta**, porque... *clin clin*, o interese tradúcese en *Capitalismo, they call it*. Pois ben, ese buraco **cubriuno o porno**. Así que... si, **o porno é o noso principal educador sexual**. FORTE EH!



3! ENGANCHA.

Xera dopamina, ese neurotransmisor que produce pracer, o mesmo que cando comemos , ou un cachorriño   sube no noso regazo, ou namoramos.  ... **Píllalo? E que pasa coa dopamina?**

Éche **aditiva**. O cerebro vai precisar **cada vez máis cantidade, estímulos máis fortes e maior frecuencia para experimentar o mesmo pracer que as primeiras veces**. Como calquera droga, vamos.

O cerebro é moi, moi vago; quere o camiño máis curto e rápido para obter pracer. E se aprende que o porno é unha forma sinxela de obtelo...aí que vai!



Amigx, date conta. **Convértese nunha relación tóxica!**


TACHÁN!

Entedes agora por que o porno está tan presente nas nosas vidas? **Isto non é maxia, é ciencia!**

Vale, seguro que estás a pensar que é **S-E-X-O**. Algo **natural**. Entón, **cal é o problema?**

Aquí chegamos á chicha, agora si. O problema é o **r-e-l-a-t-o**.

Faite a seguinte pregunta: **que clase de sexo aparece no porno mainstream?**



Pensa en todas as tramas que queiras, pero aí che vai o resumo: **unha masculinidade mega hexemónica que disfruta sometendo, dominando e violentando ás mulleres**.



E non imos entrar en como se representan os corpos, idades, etnias... **XX**. **Ou non?**

As escenas que se reflicten **vinculan directamente pracer con dor: a dor das mulleres**, claro. **Vemos planos agresivos nos que se lles dirixe violencia**, mentres elas transmiten que lles gusta ser agredidas.



Dáse a entender que as mulleres disfrutan sexualmente a través da humillación, a cousificación e a violencia, lanzando mensaxes confusas sobre o **consentimento**, e **erotizando a agresión sexual**.

Está o porno contribuindo a normalizar as agresións sexuais?

O problema é que **o noso cerebro tamén acaba por relacionar desexo con dor**, e con agresión, e aí remata por buscar directamente o pracer.

Entón, **que clase de desexo estamos construindo?**